

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SITA

KIKAO CHA PILI

4 SEPTEMBER, 2019



ORODHA YA SHUGHULI ZA LEO

MKUTANO WA KUMI NA SITA

KIKAO CHA PILI – TAREHE 4 SEPTEMBER, 2019

I. DUA:

II. HATIZA KUWASILISHA MEZANI:

WAZIRI WA NCHI, OFISI YA RAIS (UTUMISHI NA UTAWALA BORA):

Maelezo ya Waziri wa Nchi, Ofisi ya Rais (Utumishi na Utawala Bora) kuhusu Muswada wa Sheria ya Serikali Mtandao wa Mwaka 2019 [*The e-Government Bill, 2019*].

MWENYEKITI WA KAMATI YA UTAWALA NA SERIKALI ZA MITAA:

Maoni ya Kamati ya Kudumu ya Bunge ya Utawala na Serikali za Mitaa kuhusu Muswada wa Sheria ya Serikali Mtandao wa Mwaka 2019 [*The e-Government Bill, 2019*].

MSEMAJI MKUU WA KAMBI RASMI YA UPINZANI BUNGENI KUHUSU OFISI YA RAIS (UTUMISHI NA UTAWALA BORA):

Maoni ya Msemaji Mkuu wa Kambi Rasmi ya Upinzani Bungeni juu ya Ofisi ya Rais (Utumishi na Utawala Bora) kuhusu Muswada wa Sheria ya Serikali Mtandao wa Mwaka 2019 [*The e-Government Bill, 2019*].

III. MASWALI:

OFISI YA RAIS (TAMISEMI):

16. MHESHIMIWA JOSEPH KIZITO MHAGAMA (MADABA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Moja kati ya maombi yaliyowasilishwa kwa Mheshimiwa Waziri Mkuu wakati wa ziara yake Mkoani Ruvuma, katika Wilaya ya Songea ni zahanati za Mbangamawe na Magingo zilizoko katika Halmashauri ya Wilaya ya Madaba zitakapokamilika zipandishwe hadhi kuwa Vituo vya Afya kutokana na ukubwa wake na mahitaji kwa Wananchi:-

Je, ni lini sasa Serikali itatekeleza jukumu hilo muhimu.

17. MHESHIMIWA DKT. SHUKURU JUMANNE KAWAMBWA (BAGAMOYO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kufuatia majibu ya Swali langu Na. 17 lililojibiwa tarehe 07/11/2018 kuhusu Bagamoyo kupata hadhi ya Halmashauri ya Mji, Serikali ilielekeza kwamba tushubiri wasilisho la Kamati ya ushauri ya Mkoa wa Pwani (RCC) ili Ofisi ya Rais (TAMISEMI) iweze kulifanyia kazi ombi hilo; na suala hilo limeshajadiliwa na RCC na taarifa kuwasilishwa Ofisi ya Rais (TAMISEMI):-

Je, ni lini sasa Serikali itaipa Bagamoyo hadhi ya kuwa Halmashauri ya Mji.

WIZARA YA HABARI, UTAMADUNI, SANAA NA MICHEZO:



18. MHESHIMIWA NASSOR SULEIMAN OMAR (ZIWANI):

Atamuuliza Mheshimiwa Waziri wa Habari, Utamaduni, Sanaa na Michezo:- Utamaduni katika kila nchi ni utambulisho wa Taifa; na kwa kuwa kuna upotevu mkubwa wa utamaduni wa asili kwenye makabila yetu nchini:-

Je, ni upi mkakati wa Serikali wa kufufua utamaduni wa asili wa makabila yetu.

**19. MHESHIMIWA ABDALLAH ALLY MTOLEA
(TEMEKE):**

Atamuuliza Mheshimiwa Waziri wa Habari, Utamaduni, Sanaa na Michezo:- Baadhi ya mechi za mpira wa miguu za Ligi Kuu Tanzania Bara 2018/2019 zilichezwa bila kuwepo kwa gari la Wagonjwa uwanjani na kusababisha wachezaji walioumia kulazimika kukimbizwa Hospitali kwa kutumia magari ya kawaida:-

- (a) Je, Serikali ina taarifa juu ya tatizo hilo;
- (b) Je, Serikali ina mkakati gani katika kuhakikisha kosa hilo halitokei tena Viwanjani.

**WIZARA YA AFYA, MAENDELEO YA JAMII,
JINSIA, WAZEE NA WATOTO:**

**20. MHESHIMIWA MARY PIUS CHATANDA
(KOROGWE MJINI):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Ujenzi wa Jengo la Utawala na vyumba vya madarasa katika Chuo cha Uguzi Korogwe bado haujakamilika:-

Je, ni lini ujenzi huo utakamilika.

21. MHESHIMIWA GOODLUCK ASAPH MLINGA (ULANGA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwa na tatizo kubwa katika jamii yetu la ubakaji wa watoto wadogo chini ya miaka mitano na vikongwe:-

Je, Serikali imeshawahi kufanya utafiti ili kujua chanzo cha tatizo hilo.

WIZARA YA MIFUGO NA UVUVI:

22. MHESHIMIWA FELISTER ALOYCE BURA (VITI MAALUM):

Atamuuliza Mheshimiwa Waziri wa Mifugo na Uvuvi:- Ranchi za Taifa ni rasilimali muhimu na fursa kubwa katika kuchangia pato la Taifa na uchumi wa nchi yetu:-

Je, Serikali ina mkakati gani wa kuongeza thamani ya mazao ya mifugo iliyopo kwenye ranchi zetu.

23. MHESHIMIWA JUMA ALI JUMA (DIMANI):

Atamuuliza Mheshimiwa Waziri wa Mifugo na Uvuvi:- Serikali imezuia kutoa leseni kwa sababu ya ubadhirifu uliokuwa ukifanywa na taasisi za utoaji leseni, hivyo kusababisha kupoteza mapato mengi ya Serikali na kuifanya Taasisi ya

Uvuvi wa Bahari Kuu kushindwa kufanya kazi zake inavyotakiwa:-

- (a) Je, ni lini Serikali itamaliza mchakato wa kujipanga na kuanza kutoa leseni;
- (b) Je, Taasisi ya Uvuvi wa Bahari Kuu imesaidiwa kwa kiasi gani ili iweze kujiendesha kwa kipindi hicho ambacho haikupata mgao utokanao na leseni.

WIZARA YA KILIMO:

24. MHESHIMIWA MARGARET SIMWANZA SITTA (URAMBO):

Atamuuliza Mheshimiwa Waziri wa Kilimo:- Serikali imekuwa ikichukua hatua mbalimbali za kuwasaidia Wakulima nchini hususan Wakulima wa Tumbaku ili zao hili la biashara liweze kuwasaidia Wakulima na Taifa kwa ujumla kwa kuingiza fedha za kigeni:-

- (a) Je, Serikali inawahakikishiaje Wakulima wa Tumbaku katika Mkoa wa Tabora ikiwemo Wilaya ya Urambo kwamba mbolea itakuwepo mwezi Agosti wanapoanza kilimo cha Tumbaku kulingana na makisio yao;
- (b) Je, wanunuzi wangapi wamepatikana hadi sasa ili Wakulima walime Tumbaku nyingi kwa bei ya ushindani ili kumnufaisha Mkulima na Taifa kwa ujumla.

**25. MHESHIMIWA ANTHONY CALIST KOMU
(MOSHI VIJIJINI):**

Atamuuliza Mheshimiwa Waziri wa Kilimo:- Mkoa wa Kilimanjaro unao kilimo cha umwagiliaji kinachotumia vyanzo vya asili kama chemchem za maanguko ya Mlima Kilimanjaro lakini kutokana na sababu mbalimbali ikiwepo mabadiliko ya tabia nchi maji yamepungua sana hivyo mifereji ya asili inahitajika kujengwa kwa zege kuhakikisha matumizi mazuri ya maji:-

Je, Serikali inasaidiaje kutatua changamoto hii.

**26. MHESHIMIWA MOSHI SELEMANI KAKOSO
(MPANDA VIJIJINI):**

Atamuuliza Mheshimiwa Waziri wa Kilimo:- Mradi wa umwagiliaji wa Karema ni wa muda mrefu toka umeanza:-

Je, ni lini mradi huo utakamilika.

WIZARA YA MAJI:

**27. MHESHIMIWA AYSHAROSE NDOGHOLI
MATTEMBE (VITI MAALUM):**

Atamuuliza Mheshimiwa Waziri wa Maji:- Mradi wa maji wa Kitinku/Lusilile ndiyo uliotarajiwa kuwa mkombozi wa Wananchi wa Manyoni katika kupata huduma ya maji safi na salama;

lakini mradi huo kwa muda mrefu umekwama kutokana na fedha kutopelekwa:-

Je, Serikali ina mikakati gani ya kukamilisha mradi huo muhimu kwa wakati ili kumtua ndoo kichwani Mwanamke wa Manyoni.

WIZARA YA ARDHI, NYUMBA NA MAENDELEO YA MAKAZI:

28. MHESHIMIWA SABREENA HAMZA SUNGURA (VITI MAALUM):

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, ni muda gani mchakato wa kuandaa hatimiliki unatakiwa kukamilika kwa mujibu wa sera na taratibu.

WIZARA YA MAMBO YA NDANI YA NCHI:

29. MHESHIMIWA MARYAM SALUM MSABAHA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Kumekuwa na matukio ya mara kwa mara ya Watoto wachanga kutupwa majalalani, mitaroni na katika mifuko ya Rambo:-

(a) Je, nini kauli ya Serikali kuhusu matukio hayo;

(b) Je, ni watuhumiwa wangapi walishakamatwa na kuchukuliwa hatua za kisheria.

IV. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Marekebisho ya Sheria Mbalimbali (Na. 6) wa Mwaka 2019 [*The Written Laws (Miscellaneous Amendments) (No. 6), Bill, 2019*].

V. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Serikali Mtandao wa Mwaka 2019 [*The e-Government Bill, 2019*].

**DODOMA
4 SEPTEMBER, 2019**

**S. KAGAIGAI
KATIBU WA BUNGE**